



Oporavak od poplava:

PRVE

PORODICE

USELJAVAJU

U NOVE

DOMOVE

EKONOMSKA PODRŠKA ZA 227 DOMAĆINSTAVA



Tokom mjeseca novembra 2018. godine, započele su ceremonije potpisivanja ugovora sa korisnicima Programa za oporavak od poplava kojima će biti pružena dodatna podrška u oblasti ekonomskog osnaživanja. Uslove za učešće ispunilo je 227 domaćinstava iz 35 općine i grada u BiH.

Ekonomsko osnaživanje podrazumijeva pomoć u oblasti poljoprivredne proizvodnje, te zapošljavanja i samozapošljavanja. Sva domaćinstva također učestvuju i u komponenti Programa koja se tiče stambenog zbrinjavanja, a kroz koju će im biti obezbijeđen siguran smještaj izgradnjom novih ili sanacijom postojećih stambenih objekata.

„Tokom svih ovih godina, Evropska unija pomaže razvoj Bosne i Hercegovine. I dalje nastavljamo pružati pomoć tamo gdje je najpotrebnija“ rekao je Richard Máša, šef Kooperacija u Delegaciji Evropske unije (EU) u BiH.

„Pored stambenog zbrinjavanja porodica čiji su domovi uništeni ili teško oštećeni 2014. godine, ovaj Program cilja da, kroz svoju ekonomsku komponentu, pruži održiv izvor prihoda za porodice u skladu s njihovim potrebama i mogućnostima“ kazao je zamjenik rezidentne predstavnice Razvojnog programa Ujedinjenih nacija u BiH, Sukhrob Khoshmukhamedov.

Potpisivanje ugovora sa korisnicima paketa pomoći iz oblasti poljoprivredne proizvodnje završene su u novembru, dok će potpisivanje ugovora sa korisnicima pomoći iz oblasti zapošljavanja i samozapošljavanja biti organizirano u nadolazećem periodu.





Bego Suljić iz Zavidovića je nezaposlen već 14 godina. "Život je borba" kaže Bego pokazujući na svoju kuću, dok se djeca unutra spremaju za školu. Njegova šestočlana porodica preživljava od bavljenja poljoprivredom. "Sadim voće i povrće. Imam i kravu" objašnjava on i dodaje "Krava je zakon. Ona mi je dala prvu marku".


Rekordne poplave koje su pogodile BiH 2014. godine otežale su život ove porodice, klizište je oštetilo njihovu kuću i potrebna joj je sanacija koju oni ne mogu priuštiti. Kada je u oktobru 2017. godine objavljen Javni poziv za izbor korisnika Programa za oporavak od poplava – stambeno zbrinjavanje, Bego se odmah prijavio i ispunio sve uslove za učešće. Ovaj Program osigurat će stambeno zbrinjavanje 2.800 osoba kroz izgradnju novih i sanaciju oštećenih kuća. Nakon što su izabrani korisnici Programa, provedena je analiza uslova života i potreba svih domaćinstava kako bi najugroženije porodice dobile priliku da, u skladu sa svojim kapacitetima i potrebama, osiguraju održive i stabilne izvore prihoda u oblasti poljoprivredne proizvodnje, zapošljavanja i samozapošljavanja.

Porodica Suljić jedna je od više od 200 porodica koje će, pored pomoći u poboljšanju stambenih uslova, dobiti i ekonomsku podršku. Kako se porodica već bavi poljoprivredom, tako je za njih osmišljen i poseban paket pomoći koji će im olakšati i unaprijediti poljoprivrednu proizvodnju. "Puno će mi značiti ova pomoć. Pojačat će mi budžet. Pojačat će nas" kaže Bego.



ZAVRŠENA IZGRADNJA PRVIH KUĆA

Prve porodice već su uselile u svoje nove domove izgrađene u okviru Programa za oporavak od poplava. Jedna od njih je i šestočlana porodica 60-godišnjeg Ilije iz Bijeljine. Prozor njegovog novog dnevnog boravka gleda na Ilijin stari dom: skromnu montažnu jedinicu koja je u poplavama 2014. godine pretrpjela veliku štetu. "Bilo je 50 centimetara vode, sve je propalo" prisjeća se Ilija. Nakon četiri godine, Ilija će zimu dočekati u sigurnom i suhom smještaju.



U toku je izgradnja i sanacija stambenih jedinica kako bi se zbrinulo skoro 3,000 osoba u 44 općine i grada u BiH

O PROGRAMU ZA OPORAVAK OD POPLAVA - STAMBENO ZBRINJAVANJE

Katastrofalne poplave, najteže u posljednjih 120 godina, zadesile su Bosnu i Hercegovinu u maju 2014. godine. Poplave su obuhvatile četvrtinu teritorija države i pogodile oko million osoba.

Kako bi se ublažile posljedice ove prirodne nepogode, osmišljen je Program za oporavak od poplava - Stambeno zbrinjavanje. Ovaj Program ima za cilj da stambeno zbrine **skoro 3,000 osoba** čiji domovi su oštećeni ili uništeni u poplavama 2014. godine, **te ekonomski osnaži najugroženije porodice.**

Vrijednost Programa je 15 miliona eura, a finansira ga Evropska unija, u iznosu od 12,5 miliona eura u saradnji sa Vladom Federacije Bosne i Hercegovine, Vladom Republike Srpske, UNDP-om i lokalnim vlastima. Program implementira UNDP u BiH zajedno sa Međunarodnom organizacijom za migracije (IOM), Arbeiter-Samariter-Bund (ASB), Hilfswerk International Austria (HWA) i partnerskim općinama i gradovima.

Program se implementira u 44 općine/grada: Banja Luka, Bijeljina, Bratunac, Brod, Cazin, Doboј, Doboј Istok, Domaljevac-Šamac, Donji Žabar, Goražde, Gračanica, Gradiška, Jezero, Kakanj, Kalesija, Kostajnica, Laktaši, Lopare, Maglaj, Modriča, Novi Grad, Odžak, Orašje, Petrovo, Prijedor, Prnjavor, Sapna, Srbac, Srebrenik, Šamac, Šekovići, Šipovo, Teslić, Tešanj, Travnik, Tuzla, Ugljevik, Vareš, Vlasenica, Vogošća, Zavidovići, Zenica, Zvornik i Žepče.



Ovaj projekt finansira
Evropska unija.

PROGRAM ZA OPORAVAK OD POPLAVA - STAMBENO ZBRINJAVANJE



Empowered lives.
Resilient nations.

Program za oporavak od poplava predstavlja nastavak napora Evropske unije na ublažavanju posljedica katastrofalnih poplava koje su pogodile Bosnu i Hercegovinu 2014. godine. Prva faza Programa, provedena od augusta 2014. do februara 2016. godine, postigla je impresivne rezultate **poboljšavajući uslove života za 610.000 stanovnika** diljem Bosne i Hercegovine.

Ovaj Program podržava sljedeće Ciljeve održivog razvoja:



Copyright: UNDP BiH, 2018; Fotografije: Sulejman Omerbašić, Aida Šunje, Jim Marshall; www.ba.undp.org

Novembar, 2018. godine

Ova publikacija je nastala uz podršku Evropske unije. Sadržaj ove publikacije je isključiva odgovornost Programa za oporavak od poplava - Stambeno zbrinjavanje i ne predstavlja nužno stavove Evropske unije.